

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

**Sarasa, Alfonsus Antonius de
Antverpiae, 1664**

§. II. Nihil itaque statui tuo demptum vel adiectum cupias, si tuo contentus
es. Nec alieno adiectum dole quod deest tuo.

urn:nbn:de:hbz:466:1-13517

*Acquiesces, si
Deum tibi
res tuas se-
legisse, cer-
to credas.*

At verò cùm illud mihi penitus persuasum habeo, Deum esse, hunc mihi statum qui designarit, & præ cæteris omnibus tanquam optimum selegerit, eumque libero meo arbitrio & electio-ne vsum fuisse ut præscriptum sibi finem assequeretur: tum verò penitus conditioni mæ acquiesco, nec quidquam est quod vnu-
quam pœniteat. Nam si omnia ad nutum fluunt, habeo omnino quod volo; sin autem in transuersum aguntur res, difficultates que occurunt statu, habeo certe habere velle quod debo; iudi-co enim ex Dei elegantis Prouidentiâ in eo me statu hodie esse debuisse, in quo hodie mihi esset malè. Sic si prosperè in matr-
rimonio agantur omnia, vxor bene se habeat, valeant filij, familiæ splendor augeatur, facile tunc certè placebit tam commoda conditio: sin verò suboriantur tædia, mores vxoris antea pla-
cidæ, intolerabiles nunc sint, fortuna domum deserat; tum quia eligentem hæc mihi Deum conspicio, illud mecum statuam, hoc mihi tædium conduxisse hodie, ideoque hoc in statu colloca-tum, tædio ut sic afficerer. Sic in hyeme iudico gelu constringendam terram, & facile frigus fero: in æstate censeo caloribus aperiendam humum, & sic Soli non obmurmuro. Verùm id se-
quenti tractatu dicendum est explicatiùs.

§. II.

*Nihil itaque statui tuo demptum aut adiectum cupias si tuo con-
tentus sis, nec alieno adiectum dole quod deest tuo.*

*Parum a-
liquid sibi
deesse sem-
per dicunt
homines.*

Admodum plana mihi inquies videntur hæc omnia, rationi-que consona. Acquiesco sanè & dictis & statui meo; nec a-
liud esse volo, quæcum quod sum. Verùm enim uero, an non opta-bile id foret, aliquantulum maioribus diuitiis ut affluerem, com-modius tantum ut conditionem meum possim exequi? Certè
Deo obmurmurare iam nolo: tamen an id mihi tantopere no-
ceat, census si mihi paulò sit copiosior, abundantiorque sed pau-lulùm tantummodo domi res: Quid si corporis forma paulò ve-nustior foret, si valetudo parùm firmior, munusque quod gero
paululùm splendidius?

*Sed si par-
et qad*

Itane vero vir bone? Paululùm tantum est quod expetis, &
idcirco

idecirco existimas murmurationis reum non esse te. Egregium enim uero iniuriæ Deo irrogatæ prætextum! quam antequam tibi aperio, illud iam te interrogo; si parum tantum sit formæ, parum valetudinis, parum dignitatis, parum diuitiarum quod desideras: quæ tandem illa est dementia, ut restam exigua tanto pere te conturbet, & tam parum spei totam tibi mentis tranquilitatem auferat? si parum est quod expetis, parum est quod denegatur: & idecirco tamen, non parum, sed vehementer etiam affligeris. hoccine est sanæ mentis esse? Verum edic porrò, quanti tu parum illud esse censes? quantum pecunia tibi cupis adiici, ut paululum dicaris ditione? Nummorum millia sexcenta? Minime inquies, non mehercle, nolo tantas opes: paruo contentus sum, modò plus sit, quam modò est in loculis. O cæcum & improvidum caput! An non id vides nihil admodum referre, an sexcentorum te millium, an exigui æris cupido turbet, modò turberis? Certè tibi auctor fuero, ut non sexcenta tantum millia, sed & ipsas Indiarum opes expetas, Peruuiæque totius inhiis thesauris. Insanus, inquis, fuero id si vel in mentem veniat. Fateor, sed neque iam admodum sapis. quin imò si recte rationes teneo, insaniora modò sunt vota tua, quām si ea per integra regna extenderis. cum enim & hoc & illud votum, mentis officiat tranquillitati: certè minus absurdum videtur, turbari hominem ob magnam sibi denegatam spem; ubi exiguum quid expetere, non magnum habet operæ pretium, & tamen non minorem, si non concedatur, adfert animo perturbationem.

*deit, cur
multi con-
queruntur.*

¶ 2. Ut verò ad iniuriam, quæ Deo eiusmodi querelis infertur, demonstrandam accedamus; an non id ridiculum est, quod obmurmurator hic Dei ordinationibus planè acquieturum se dicat, modò paululum plus valetudinis, parum plus dignitatis, exiguum quid diuitiarum amplius fuisse attributum? Dolenda sane res est, eum qui omnia tam iustâ trutinâ distribuit bona; distribuit enim *in pondere & mensura*. huic homini sic admetiri non potuisse, ut planè faceret satis. Quid tanto quæso Numini in mentem venit, ut exiguum illud massæ detraheret, hominibusque ob tantillam rem, non paruam tamen daret materiam conquerendi? Ita tu me de Deo loqui doces, murmurator in paucis egregie. Verum ne quæso iniuriam hanc Benefactori tuo impingito, insigniter ingratus nesis. Neque si centum omnino

libras

P p 2

*Iniuria est
Deo ista
querimoni-
a.*

libras pro suâ liberalitate appendit, tu ei vitium facias, quod non vnciam drachmamque adiecerit. Turpe id nimium est mil- lenos danti aureos, ob quadrantem vnum negotium faceffere: turpisssimum, id sibi denegatum esse passim conqueri; intolera- bile verò, id etiam munifico donatori exprobrare. Tuo contens- tus sis; tuæ id conditioni, quod habes, prorsus congruit, & pro- sus sufficit: neque sorti tuæ adiiciendus est aut as, aut obolus; nisi fortè tuâ forte contentus non vis esse.

*Id o parü
nvidemur
acepiss,.
quia plus
datum est
alteri.*

At inquies, nolo sanè commutare statum; volo id esse quod sum. Mercator sum, propola sum, & id volo esse quod iam sum. Verùm vt dicam candidè quod res est, mihi profectò non omni ex parte prospectum est vt meæ conditioni benè sit. Pauci sunt qui mercès meas coémant, pauci qui ædes accedant, lucris spes domi exigua, cum aliorum tabernas qui eiusdem mecum conditionis sunt, videam accurrentium affluxu prægrauari. Deinde, mihi tantopere non labore, sufficit sanè mihi etiam angusta res. Verùm filij multiplicantur, illis prospiciendi vrget cura; si res modò parua est, quòd dénum euader in plures diuidenda cum alijs certè melius agitur, quibus si accrescat familia, ac- crescent opes. Tertio denique si plusculum esset rei, sanè ele- mosynæ. Religionisque operibus daretur insistere, multaque munificus in pauperes templaque erogarem, prout alios facien- tes video, quæ iam domesticis, quibus vix sufficiunt, sumpti- bus cogor impendere vel inuitus.

*Inuidis
istud viciū
est.*

Ita tu quidem. Verùm quid mihi semper alienam sortem im- portunus oggeris: quid querelis tuis, aliis quid habeat, aut quid agat, inuidus incertexis. Hinc enim video ad plura sem- per expetenda, ingratos homines sumere animos etiam impuden- tes. At verò quid tua id interest, quid à Deo agatur in alienâ domo: an tibi quidquam deest, quia vicino tuo quidquam adiectum est: an quia pallio alter tectus est holoserico, idcirco nudus es tu: an quia vescitur opiparè, tu fame peris: an quia ædes habet magnificas, tu sub dio habitas, aut degis in im- pluui?

*Ostenditur
absurdisca
l. tu us que-
rimonia in
ipso cōque-
scere.*

Videte obsecro, quam absurdè agant homines, quos aliena felicitas angit, nec suâ forte contentos finit viuere, etiamsi ea tam tenuis esset, vt sicco etiam pane, eoque per magnum labo- rem extorto, cogerentur viuere. Age; quod si omnes quotquot sunt

sunt in orbe homines, non aliâ haberent vitâ comoda, non aliâ fruerentur quâm tu valetudine, non alias habitarent ædes, non aliis vescerentur cibis, quâm quibus vesceris, an umquam tua tibi displiceret quantumvis incommoda casa, aut etiam sic cum quo nunc viuis fastidires panem? Certe non arbitror. Quod si vero omnes reliqui non nisi extimum panis haberent frustum, idque siccum admodum quod famelici arroderent; vbi interim panis integer suppeteret, malam quo posses lepidè exsaturare famem; nonne tuo pane non contentus modo, sed & latus & alacer & Deo præ aliis gratus viueres, aliis qui te videoas esse prælatum? quis dubitat inquires. Et tamen non nisi panem haberes tunc quem habes modo, neque minore quâm nunc labore comparatum. Hoc iam exigo; an idecirco panis tui natura immutata iam sit, eo quod alienas mensas carnes tegant? An aliquid domi tua turbatum est, quod in vicinâ tapetes & perisoma muros ambient? Si nihil immutatum est domi, vnde tibi immutatus est animus? vnde in transuersum acta, quâ cum omnes pares essetis, gestiebas lætitia? Decreuit nempe ingrato beneficium, simul ac inuidus sensit alienum. Verum si nihil mihi detrahitur; si hoc quod habeo, à munifisco largitore Deo sit; si sine ullis meritis meis id acceperim; si quod conditioni meæ sufficit; quid habeo tantopere quod querar? an quod parum suppetat? numquam sane parum est, quod sufficit. Imo quod sufficit, multum est. Quin igitur Deo meo, benefactori meo gratias ago quantum queo maximas? quin pane meo vescor hilare? Siccum dicas. At numquam is siccus est panis quem latus condit animus. Quid mihi cum alienâ felicitate est negotij, si me solum solumque Conditorem meum aspicio, nec in alios mentem oculosque reflecto?

16. Verum puerorum instar hâc in parte sumus, & nescio an non pueris infantes haud paulò. Quod si pueris sex septemvæ, jenaculum exhibes, atrumque panem butyro auarè fatis illitum cuique in manus des, omnes gaudere videoas; ora insigunt atiddissime, sapit panis, dentes gestiunt, turgescit stomachus, quieta sunt omnia. At si vel vni quantumcumque fratri, quantumcumque æ gri & débilis stomachi, album panem viderint porrigi, illico totâ turbatum est domo: panem sibi dari expetunt, conqueruntur denegari, assiliunt, ancillæ manibus ut eripiant,

*Item in
pueris.*

lachrymantur, eiulant, exclamant; & quod peius est rursus esuriant, nec ater panis fami exsaturandæ confort quidquam, imo nesapit quidem, qui tamen modò erat in deliciis. Quid hoc demum rei est? an ergo deterior factus est panis, atriorum? Neutiquam. verùm deteriores fecit animos felicitati, si sic loqui lubeat, fraternali immixtus liuor: panis in manibus alienis candens, atros fecit infecitque intuentium obtutus. At vero quia stomacho laborat frater, albus ei porrectus est panis; vos robusti estis & validi. Frustra loquimur. & quæsto ne fratri morbum albo pani prætendite, nisi velitis omnes illico laborare stomacho, & licet non laborent, morbum fingere.

Puerorum sunt hæc artificia fateor; sed & nostra sunt passim 17.
vitia. nam ut eleganter Seneca, *Aduic enim non pueritia in nobis, sed quod grauius puerilitas remanet.* Sen. ep. 41. Et hoc quidem peius est, auctoritatem habemus senum, vitia puerorum: nec puerorum tantum, sed infantium. Hoc tantum differimus, quod in maioribus insanimus. Numquam nobis satis est, quia nostra comparamus. neque noceret comparatio, nisi per eam excitaretur continuò, nimium heu nobis ingenitus habendi amor; perimus ut habeamus, nosque perdimus. ut commoda augeamus, promoueamus opes, nullique ut cedamus, mouemus omnia. Huc omnes referuntur cogitationes & curæ; ideo sudatur, ideo transcurritur, ideo litigatur, ideo rixæ exurgunt, ideo suscitantur odia, ideo amicitiae dissoluuntur, ideo denique turbatur humana mens, mœrore consumitur, nec quidquam bona vita sibi residuum facit.

Satis cuique
datum est,
modò dā ita
quisque su-
tu acquie-
scet. Istud tamen amicè interroganti amicè responde. an non quietam vteumque vitam transigere posses, iis quæ tibi ad manum sunt, bonis vti modestè & cum gratiarum actione si percuperes? Quod si negas ea statui tuo sufficere, vides an non sumptus eos facias, quos status tui conditio minimè requirit. si enim plebeius cum sis, tenuisque fortunæ, nobilem vis agere, ne certè conquerare bona non sufficere; neque id Deo impata, sed immodicæ cupiditati tuæ. Sufficerent sane bona statui tuo, si tuus ipse tibi sufficeret status. Hoc tamen non ago modo: illud vrgeo, quâ fronte asserere id possis, non satis tibi pro conditio- ne tuâ esse prospiculum, qui iam candidè confessus es, contetur imo & latum sorte tuâ futurum te, nisi aliis liberalius prospiculum foret? An non id te pudet aliis candidiorem seu panem (puerorum

(puerorum instar) seu fortunam (quæ virorum est infantia) inuidere, & impallescere alienis bonis? Tibi sane male facis, alterius quod sit meliusculè. an non id est puerum agere in virili ætate, & in senectute maturâ infantia virtutis implicari? O si dicitur essem inquis, si locupletior, si opulentior, quid non agerem? Acturus quid esses, videbis id porrò deinde. Quid verò iam agis per tot vota, inanique desideria? nihil sane nisi tuam quietem in tertubare, eosque in animo tuo excitare tumultus, quibus tandem immarcescis. Comede si sapis quem tibi porrigit panem Deus, gratiasque age pro viribus maximis: candidum si dederit, bene tibi erit; atriorem si obtulerit, non erit ut reris male. A Kemp. A. c. 15. Da quod vis dicebat piissimus Deoque totus deuotus Thomas à Kempis. Et quantum vis, et quando vis. Domine tu scis qualiter melius est; fiat hoc vel illud sicut volueris.

§. III.

Ideo autem nihil tibi adiici vult Deus, ne statim te tui status fastidium subeat, illumque in eum qui tibi non conuenit commutare velis.

19. Tract. 10. **A**Nimaduerte iam si placet, plura tibi cum negantur bona, Dei miserantis industriam, & sagacitatem. An non id si quido ostendimus, & post multa tandem confessus es tu ipse, tuum tibi statum præ omnibus maximè conuenire, neque meliorum tibi eligere aut confidere potuisse te? Quid ergo iam plusculum commodi exoptas, minus vero aliquantulum laboris; plusculum diuitiarum, egestatis vero paulò minus? Certè hæc omnia tuaum statum conficiunt, imo statutus tuus sunt ut mox explicabo. Hoc sane nemo mihi iam negauerit, paupertatem admiculum esse & instrumentum quo Deus in eo te statu continet, quamdiu illum tibi censuerit conuenire. Statuanus igitur officem esse te, ferroque subigendo operam impendere. Status is tibi conuenit Deo iudice. Tu interim opes expetis. Dentur sane sed non à Deo, & rationibus tuis accedant aureorum decem millia. Quæro ego iam an tu tanto ditatus auro, fabrum posthac ferrarium acturus sis? Ego inquires, ferro admouero manus iam auro

Homines
passim eis
parum rei
ipsi adiici-
tur, de sua
tu mutatio
cogitant.